

【國家社會科學基金重大項目】

何建明

主編

中國地方志
佛道教文獻匯纂

人物卷

(108)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
人物卷
佛道教文獻匯纂
(108)



國家圖書館出版社

中國地方志佛道教文獻匯纂·人物卷

廣東省 佛山市

南海縣志

清·潘尚楫等修 鄧士憲等纂

清道光十五年（一八三五）修

同治八年（一八六九）刻本

南海縣志卷四十二

列傳十一

方伎

崔煒者故監察向之子也向終南海從事煒居南海意豁然也不事家產棲止佛舍時中元日邑人陳設珍異集百戲於開元寺煒因窺之見乞食老嫗因蹶而覆人之酒甕當壚者毆之計其直一緡耳煒憐之脫衣爲償焉嫗不謝而去異日

南海縣志

卷四十二 列傳十一

二

又來告煒曰謝子脫吾難吾善灸贅疣今有越井岡艾少許奉子每遇贅疣但一炷耳煒笑而受之嫗倏不見嫗者仙人葛洪妻鮑姑時行灸南海者也後遊海光寺遇老僧贅於耳煒出艾試灸之果如其說僧感之甚謂煒曰貧道無以奉酬但轉經以資郎君福祐耳山下任翁藏銀巨萬亦有斯疾君子能療之當有厚報請爲書導之煒曰然任翁聞喜躍禮請甚謹煒因出艾一灸而愈翁酬以錢十萬因留之先是翁家事鬼曰獨脚神三歲必殺人以饗時求人不獲遂召其子計夜半殺煒翁女密知之潛持刃於窓隙間告煒煒恐揮刃携艾斷窓樞躍出走墜枯井中井深百餘丈不能出有白蛇唇吻亦有疣焉煒啓蛇灸之贅應手墜地蛇蜿蜒將有所適煒又啓蛇拯援遂再拜跨蛇而出歸廣州已三年矣徵任翁之

室則村老云南越尉墓也初煒在枯井其石曰巖上有物
滴下如飴蜜注曰中蛇就飲之煒亦飲其餘蓋龍沫也於是
肌膚少嫩筋力輕健後居南海十餘載散金破產棲心道門
往羅浮訪鮑姑竟不知所適

據太平
廣記修

微善畫龍齊已有謝微上人惠二龍障子詩云近有五羊
微上人閑工小筆得意新畫龍不誇頭角及鬣鱗只求筋骨

與精神

據白蓮
集修

賴鏡字孟容少讀書增城白水山亦號增水山人逃禪萬壽
寺點染山水筆力遒勁氣格高凝同時僧深度住佛山亦善

山水

據圖繪寶
鑑續錄修

釋玄鑒順德龍山左氏子爲僧於羅浮屢來佛山爲人治病
有神術暑月行道中見死者諦視之曰此可活也令移死者

陰處徐出一丸納口中須臾而甦有患大癰者請治曰是不
必藥強其人拜起十餘次癰便消縮時比之扁鵲據佛山志修

列傳

五仙人

浮邱公

桂父

安期生

甘始

韓雅

鮑靚

單道開

木鄧子

葉法善

烏利道人

鄧守安

鍾鼎

梁彌仙

簡雲顛

周思仁

葛道人

鮑姑

陳仁嬌

有海系志

卷四十二 列傳十一

七

南海縣志

卷四十二

盧眉娘

已上

三藏法師

求那跋摩

智藥禪師

菩提達摩

景泰禪師

法善

吉藏

僧通

惠能

志道

休咎禪師

匡緒

契公

惠寂

達岸禪師

大慧

古溪

曇稷

慧顯

無我

曉宗

永纓

真空禪師

憨山禪師

十力禪師

栖壑和尚

空隱禪師

函是禪師

石洞

成鷺

大瞻

黃道姑

潘冕

趙棠

麥祖用

吳道人

已上釋

仙釋

五仙人者周時南海有五仙人騎五色羊各持穀穗一莖六出衣與羊色各如五方降於楚庭遺穗騰空而去羊化爲石

城因以名

據太平寰宇記修

浮邱公周靈王時偕王子晉上嵩山後適羅浮得道常往來

廣州西門外後人指其地建浮邱社塑像祀之

據廣州府志修

百傳集

卷四十二

列傳十一

十

案廣東新語云相傳有二仙一老一少兩人一目被此扶挈而行居人遺以麥豆撒之成金視所荷之薪則紅白珊瑚枝也老者浮邱丈人少者浮邱叔也考列仙傳浮邱伯姓李氏不言浮邱叔意丈人其卽伯歟然浮邱伯班固以爲荀卿門人服虔以爲秦時儒生高后時浮邱伯在長安楚元王交嘗受詩於浮邱伯又遣子郢客與申公俱卒業當時浮邱伯或與安期生爲友安期生至粵而浮邱伯亦相從而至耶

桂父象林人也常服桂葉以龜腦和之顏色如童時黑時白時赤南海人尊事之一旦與鄉曲別飄然入雲今荊州之南

尚有桂九焉

據吳都賦注初學記黃通志參修

安期生瑯邪阜鄉人賣藥海邊嘗采澗中菖蒲服之至今故

老指菖蒲澗爲飛昇處云

據黃通志修

甘始者太原人也善行氣不飲食又服天門冬行房中之事
依容成元素之法更演益之爲一卷用之甚有近効治病不
用針灸湯藥老而有少容諸術士咸歸之曹植嘗辟左右獨
與之言問其所行始言本師姓韓字雅嘗與師於南海作金
前後數四投數萬斤於海又言取鯉魚五寸一雙令其一著
藥投沸膏中有藥者奮尾鼓鰓游行浮沉有若處淵其一者
已熟而可噉植問可試否曰是藥去此踰萬里當出塞始有
示自行不能得也

據後漢書注
黃通志參修

鮑靚字太元東海人也年五歲語父母云本是曲陽李家兒
九歲墜井死其父母等訪得李氏推問皆符驗靚學兼內外
明天文河洛書稍遷南陽中部都尉爲南海太守嘗行部入

海遇風飢甚取白石煮食之以自濟王機時爲廣州刺史入
廁忽見二人著烏衣與機相捍良久禽之得二物似烏鴨覩
曰此物不祥機焚之徑飛上天機尋誅死覩行龍山見前一
少年姿容整茂徒行甚徐而遠去殊疾覩乘名馬逐數里終
不能及意甚異之及問少年答曰我中山陰長生也

據晉書
本傳白

居易六
帖參修

單道開敦煌人也常衣麤褐或贈以繒服皆不着不畏寒暑
晝夜不臥恆服細石子一吞數枚日一服或多或少好山居
而山樹諸神見異形試之初無懼色石季龍時開從西平來
一日行七百里其一沙彌年十四行亦及之至秦州表送到
鄴季龍令佛圖澄與語不能屈也自云能療目疾就療者頗
驗視其行動狀若有神佛圖澄曰此道士觀國興衰若去者

當有大亂及季龍未道開南渡許昌尋而鄴中大亂升平三年至京師後至南海入羅浮山獨處茅茨蕭然物外年百餘歲卒於山舍勅弟子以尸置石穴中弟子乃移入石室陳郡袁宏爲南海太守與弟穎叔及沙門支法防共登羅浮山至石室口見道開形骸如生香火瓦器猶存宏曰法師業行殊羣正當如蟬蛻耳乃爲之贊云

據晉書本傳修

木鄧子不知何許人也唐初修煉於西樵金釵嶺絕粒服氣世傳其白日冲舉今嶺之北麓丹井尙存其水迥異於別泉

據西樵游覽記修

法善字道元本出南陽葉邑居處州松陽縣四代修道皆以陰功密行及劾名之術救物濟人則天徵至神都中宗復位相王及元宗爲武三思所忌竄於南海廣州人庶夙仰其

行海錄卷之四十二 列傳十一

三

名北向候之師乘白鹿至海上至止於龍興新觀遠近禮敬
捨施豐多盡修觀宇焉歲餘入洪州西山養神修道據太平廣記修
烏利道人者南漢時遊方至西樵愛噴玉岳之勝遂棲止焉
辟穀修煉植茶成園喜禁咒之術岳下有丹井一赤一白丹
成羽化而去後最著靈異山人家祀之今岳亦稱烏利云據西

樵游覽
記修

鄧守安字道立不知何許人有道者也廣惠人皆敬慕之嘗
欲引蒲澗之水以飲廣州之人蘇軾致書漕帥力贊其事其
勤身濟物類如此據嶺海名勝記修

鍾鼎不知何許人遊文章里金溪寺託以燒鉛煮汞爲事寺
有丹竈三十六一日因涉溺死有人復見於羊城東坡謫官
至廣州枉道訪之今蘇渡猶傳其名據廣州府志修

梁彌仙不知何許人朴野罕接世事號青霞道人寶祐初住
廣莫菴嘗雲遊廣州居斗南堂廣帥經畧安撫使方山馬天

驥作城頭月贈之李昉英和之彌仙由是知名

據嶺海名勝記修

簡雲顛廣州人狀若風狂善號召風雷驅役百鬼與人遊蒲
澗病日色太炎謂曰卿無苦吾能令雷師張傘護卿卽冥目
爲呼使狀須臾陰雲凝坐上四外日色如故鄉人以旱請禱
雨則爲壇箕踞其上書符篆焚之有頃雷電滂沱交下廣城
北二里有女病魅簡視之曰老龜作祟耳因曰昨遇一番蠻
婦我當使蠻人捉之卽叱呼四指須臾一番人擁陰飈踰垣
而入手持一巨龜出大三尺鏗然墮地昏仆久之始能視其
語侏儻不可曉簡大笑斥之去而龜已死其魅遂絕

據廣州府志修

周思仁字愛卿瓊山庠生遇仙人授以異術能知休咎以符

咒治人病卽愈或令人取雜物爲丸入口皆成香氣或以簪珥化爲蟲蛇蠕動如生嘉靖丙辰來遊省城人爭求識之至填衢市脩有大蜂集人衣領眾乃散去歸瓊山一年卒

據瓊州府

志修

葛道人自云葛姓遊憩葛岸五岳神廟旬時鄉人病疫道人以葛屑和藥調之輒愈求者日眾題柱而去詩曰羅浮山下策枯藜琪樹瓊林屬品題兩腋天風何處去錦巖西更碧雲西錦巖碧雲皆西樵山峯莫知所之

據廣州府志修

鮑姑鮑靚女葛洪之妻與洪相次仙去云蘋花溪者相傳洪崖先生煉丹地嘗有老姥採蘋其閒莫測所自來問之曰吾鮑姑也忽不見至唐時崔煒遊南海開元寺有丐嫗謂煒曰吾善灸贅疣今有艾少許奉子煒受之莫知爲誰後始知爲

鮑姑

據黃通志西華仙錄修

陳仁嬌其父玘寓居瓊仁嬌嘗夢爲逍遙遊及寤每思舊遊不可得忽八月望丙辰有僊數百從空招之仁嬌超然隨眾謁帝遂掌蓬萊紫虛洞宋元祐中降於廣州進士黃洞之家

據魏志修

盧眉娘年十四眉如線且長故有是名本北祖帝師之裔自大定中流落嶺表後漢盧景裕景祚景宣景融兄弟四人皆爲皇王之師因號帝師眉娘幼而慧悟工巧無比能以一尺絹上繡法華經七卷字之大小不逾粟粒而點畫分明細如毛髮其品題章句無不具矣更善作飛仙蓋以絲一絢分爲三段染成五色結爲金蓋五重其中有十洲三島天上玉女臺殿麟鳳之像而執幢捧節童子亦不啻千數其蓋濶一丈